



Broj predmeta: 13-001372/23
Broj akta: 01.1-1528ZN-0014/23
Datum, 28. 7. 2023.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članovima 25. i čl. 70. stav (3) Zakona o javnim nabavkama («Službeni glasnik BiH», broj 39/14 i 59/22), člana 24. stav (3) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023), Zapisnika o pregledu i ocjeni ponuda ponuda sa preporukom broj: 13-001372/23 od 19.07.2023. godine i Mišljenja Pravobranilaštva Brčko distrikta BiH broj: M-776/23 od 26.07.2023.godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1.

U provedenom otvorenom postupku za nabavku radova izgradnje trafostanice 10/0,4 kV u MZ sa podzemnim kablovskim vodom i niskonaponske mreže na području Brčko distrikta BiH po lotovima od Lot 1 do Lot 2, za potrebe Odjeljenja za komunalne poslove Vlade Brčko distrikta BiH, izabrani su najpovoljniji ponuđači kojima se dodjeljuje ugovor.

Naziv najpovoljnijeg ponuđača je: „CONRAM“ d.o.o. Brčko

Lot 1 - Izgradnja stubne trafostanice 10/0,4 kV, 250 kVA „Repino Brdo I“ sa podzemnim kablovskim 10 kV vozom u MZ Šatorovići

Vrijednost ugovora sa uračunatim PDV-om iznosi **105.405,41 KM.**

Lot 2 – Izgradnja niskonaponske mreže prema lovačkoj kući LD Seonjaci u MZ Krepšić II

Vrijednost ugovora sa uračunatim PDV-om iznosi **36.157,68 KM.**

Član 2.

Postupak je proveden na osnovu Odluke o pokretanju postupka javne nabavke broj: 13-001372/23 od 25.05.2023. godine, Obavještenja o nabavci na portalu javnih nabavki broj: 1157-1-3-194-3-359/23 od 02.06.2023. godine, specifikacije robe u vezi sa Tenderskom dokumentacijom broj: 13-001372/23 i ponude ponuđača.

Član 3.

Sredstva za finansiranje predmetne javne nabavke osigurana su kako slijedi:

- **Za Lot 1:**

- a) "Izgradnja trafostanice Repino Brdo, MZ Šatorovići", šifra: 11844, ekonomski kod: 821200, organizacioni kod: 23020001; KB 2021
- b) "Projektovanje i izgradnja infrastrukturnih objekata iz nadležnosti Odjeljenja za komunalne poslove i poslovi logistike", šifra 13622, ekonomski kod 821200, organizacioni kod 23020001, KB 2022
- c) "Izgradnja trafostanice u MZ Šatorovići", šifra: 14144; ekonomski kod 821200, organizacioni kod 23020001, KB 2023;

- **Za Lot 2:**

- a) "Dovod niskonaponske mreže do lovačke kuće LD Seonjaci u sekciji Krepšić u dužini cca 700-800 m, MZ Krepšić II", ekonomski kod 821200, organizacioni kod 23020001, šifra 11841, KB 2021;
- b) "Nedostajuća sredstva za dovod niskonaponske mreže do lovačke kuće LD Seonjaci u sekciji Krepšić u dužini 700-800 m, MZ Krepšić II", ekonomski kod 821200, organizacioni kod 23020001, šifra 14158, KB 2023;
- c) "Projektovanje i izgradnja infrastrukturnih objekata iz nadležnosti Odjeljenja za komunalne poslove i poslovi logistike", šifra 13622, ekonomski kod 821200, organizacioni kod 23020001, KB 2022;

Obrazloženje

Komisija za nabavke je nakon izvršenog otvaranja ponuda konstatovala da su dostavljene tri ponude, i to ponuđača: „CONRAM“ d.o.o. Brčko, „NEXEN“ d.o.o. Banja Luka i „ENERGO SISTEM“ d.o.o. Brčko. Sastavni dio odluke čini zapisnik sa otvaranja ponuda, Izvještaj o toku i završetku e-aukcije i Zapisnik o pregledu i ocjeni ponuda. Nakon detaljne analize dostavljenih ponuda komisija je utvrdila da ponude ponuđača „CONRAM“ d.o.o. Brčko i „ENERGO SISTEM“ d.o.o. Brčko su prihvatljive prema obliku, sadržaju, potpunosti, načinu pripreme i dostave ponude, a ponuđene cijene date u ponudama su u okviru procijenjene vrijednosti nabavke za sve lotove za koje su ponuđači dostavili ponudu. Ponuđač „NEXEN“ d.o.o. Banja Luka je dostavio ponudu za Lot 1 koja je prihvatljiva prema obliku, sadržaju, potpunosti, načinu pripreme i dostave ponude, te sa aspekta procijenjene vrijednosti nabavke i raspoloživih sredstava za finansiranje nabavke. Ponuđač „NEXEN“ d.o.o. Banja Luka je dostavio ponudu za Lot 2 čija cijena prelazi planirana, odnosno osigurana novčana sredstva ugovornog organa za nabavku. Pod planiranim i osiguranim novčanim sredstvima ugovornog organa za nabavku podrazumijeva se procijenjena vrijednost nabavke. S tim u vezi, a u skladu sa tačkom 1.1.10 Tenderske dokumentacije, ponuda ponuđača „NEXEN“ d.o.o. Banja Luka za Lot 2 nije u okviru procijenjene vrijednosti, te je ista ocijenjena kao neprihvatljiva. Zakazana je e-aukcija za dan 17.07.2023.godine, za Lot 1 sa početkom u 09:00h, a za Lot 2 sa početkom u 09:30h, nakon koje je došlo do smanjenja cijena za lot 1 (14,19 %). Komisija je na osnovu kriterija najniže cijene dostavila preporuku o dodjeli ugovora najpovoljnijem ponuđaču u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđaču,
3. Gradonačelniku,
4. Odjeljenju za komunalne poslove,
5. Arhivi.



